

БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ

ДОМ НАРОДА
ПРЕДСТАВНИЧКИ ДОМ

Заједничка комисија за европске интеграције



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE

DOM NARODA
PREDSTAVNIČKI DOM/ZASTUPNIČKI DOM

Zajednička komisija za evropske integracije
Zajedničko povjerenstvo za evropske integracije

IZVJEŠTAJ O RADU

ZAJEDNIČKE KOMISIJE ZA EVROPSKE INTEGRACIJE **PARLAMENTARNE SKUPŠTINE BOSNE I HERCEGOVINE**

ZA 2020. GODINU

Sarajevo, januar 2021. godine

SADRŽAJ:

POGLAVLJE I. UVOD	3
POGLAVLJE II. IZVJEŠTAJ O AKTIVNOSTIMA KOMISIJE	4
Odjeljak A. Sjednice Komisije u izvještajnom periodu.....	4
Odjeljak B. Interna organizacija i procedure.....	4
Odjeljak C. Zakonodavne aktivnosti.....	5
Odjeljak D. Aktivnosti vezane za razmatranje i usvajanje ostalih akata.....	5
Odjeljak E. Ostale aktivnosti Komisije.....	6
Odjeljak F. Saradnja s drugim institucijama i organizacijama.....	6
POGLAVLJE III. REZIME	6
POGLAVLJE IV. PRILOZI	8

U skladu s članom 56. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15 i 78/19) i članom 46. Poslovnika Doma naroda Parlamentarne skupštine Bosne i Hercegovine („Službeni glasnik BiH“, br. 58/14, 88/15, 96/15 i 53/16), te u skladu s čl. 9. i 10. Uputstva o metodologiji izrade izvještaja o radu komisija Parlamentarne skupštine Bosne i Hercegovine, Zajednička komisija za evropske integracije Parlamentarne skupštine BiH je na 5. sjednici, održanoj 11. 3. 2021, usvojila

IZVJEŠTAJ O RADU
Zajedničke komisije za evropske integracije Parlamentarne skupštine
BiH za period od 1. 1. 2020. do 31. 12. 2020.

POGLAVLJE I. UVOD

Zajednička komisija za evropske integracije je stalno radno tijelo Parlamentarne skupštine BiH. Njena nadležnost regulirana je odredbama člana 62. Poslovnika Predstavničkog doma („Službeni glasnik BiH“, br. 79/14, 81/15 i 97/15) i člana 52. Poslovnika Doma naroda Parlamentarne skupštine Bosne i Hercegovine („Službeni glasnik BiH“, br. 58/14, 88/15 i 96/15).

Na 8. sjednici Predstavničkog doma Parlamentarne skupštine BiH, održanoj 16. 1. 2020, izabrani su članovi Komisije iz Predstavničkog doma: Halid Genjac, Denis Zvizdić, Snježana Novaković – Bursać, Nikola Lovrinović, Branislav Borenović i Saša Magazinović, a na 3. hitnoj sjednici Doma naroda Parlamentarne skupštine BiH, održanoj 15. 1. 2020, izabrani su članovi Komisije iz Doma naroda: Denis Bećirović, Amir Fazlić, Lazar Prodanović, Mladen Bosić, Lidija Bradara i Bariša Čolak.

Na konstituirajućoj sjednici Komisije, održanoj 23. 1. 2020, izabrano je rukovodstvo Komisije, i to: Nikola Lovrinović, predsjedavajući, Lazar Prodanović, prvi zamjenik predsjedavajućeg, i Halid Genjac, drugi zamjenik predsjedavajućeg.

Komisija je od konstituiranja radila na ispunjenju obaveza utvrđenih poslovnica, kao i obaveza koje su joj određene odlukama kolegija domova.

POGLAVLJE II. IZVJEŠTAJ O AKTIVNOSTIMA KOMISIJE

Odjeljak A. Sjednice Komisije u izvještajnom periodu

U izvještajnom periodu Zajednička komisija održala je tri sjednice, i to u sljedećim terminima:

1. konstituirajuća – 23. 1. 2020.
2. sjednica – 6. 2. 2020.
3. sjednica 11. 9. 2020.

Na tri održane sjednice Zajednička komisija razmatrala je ukupno 14 tačaka dnevnog reda, te usvajala odgovarajuće zaključke po razmatranim tačkama. Prosjek prisustva članova Zajedničke komisije je 78%. Sjednice su trajale 52 minuta.

Aktivnosti na sjednici Komisije praćene su zapisnički. Zapisnike sjednica vodi Ured sekretara Komisije prema usvojenim tačkama dnevnog reda, po utvrđenoj proceduri i metodologiji. Zapisnik sjednice predlaže se na usvajanje na narednoj sjednici Komisije.

Odjeljak B. Interna organizacija i procedure

Prema planiranim aktivnostima domova iz nadležnosti Komisije, koje određuju kolegiji Predstavničkog doma i Doma naroda, predsjedavajući Komisije, u saradnji sa sekretarom, organizira i zakazuje sjednicu s prijedlogom dnevnog reda. Kvorum za rad Komisije čini sedam njenih članova, od čega je najmanje polovina članova Komisije iz svakog doma. Komisija odlučuje prostom većinom članova koji su prisutni i koji glasaju, uz uslov da ta većina obuhvata najmanje jednu trećinu članova svakog doma koji su prisutni i glasaju i jednog predstavnika iz konstitutivnih naroda, čiji je najmanje jedan predstavnik prisutan i glasa. Rezultati glasanja, prijedlozi i zaključci koje Komisija usvoji zapisnički se konstatiraju za svaku tačku dnevnog reda.

Izvještaje koje Komisija podnosi domovima priprema sekretar Komisije u saradnji s predsjedavajućim, a prema potrebi, i sa ostalim članovima Komisije, kada to nalažu određeni razlozi.

Odjeljak C. Zakonodavne aktivnosti

Zajedničkoj komisiji za evropske integracije u izvještajnom periodu nije dostavljen nijedan prijedlog zakona za koji je ona nadležna.

Odjeljak D. Aktivnosti vezane za razmatranje i usvajanje ostalih akata

U skladu s poslovnicima domova, Komisija je Kolegiju Predstavničkog doma i Kolegiju Doma naroda dostavila sljedeće:

1. Mišljenje o Izvještaju o radu Vijeća ministara Bosne i Hercegovine za 2017. i 2018. godinu;
2. Mišljenje o Izvještaju o radu Vijeća ministara Bosne i Hercegovine za 2019. godinu, broj: 01,02-50-18-1494/20 od 22. 7. 2020;
3. Mišljenje o poslaničkoj inicijativi Saše Magazinovića, broj: 01-50-1-1704/20 od 25. 8. 2020, koja glasi: *„Na osnovu člana 8. Poslovnika Predstavničkog doma Parlamentarne skupštine Bosne i Hercegovine ('Službeni glasnik BiH', br. 79/14, 81/15, 97/15, 78/19 i 26/20), podnosim poslaničku inicijativu kojom se zadužuje Kolegij Predstavničkog doma Parlamentarne skupštine BiH da, u saradnji s Vijećem ministara BiH, za narednu sjednicu Predstavničkog doma Parlamentarne skupštine BiH pripremi materijal i prisustvo nadležnih članova Vijeća ministara BiH, kako bi Predstavnički dom dobio relevantnu informaciju, a onda i raspravljao o Mišljenju Evropske komisije o zahtjevu Bosne i Hercegovine za članstvo u Evropskoj uniji s posebnim akcentom na realizaciju 14 ključnih prioriteta iz ovog dokumenta“.*

Razmatrani su i sljedeći dokumenti i informacije:

4. Izvještaj o radu Zajedničke komisije za evropske integracije Parlamentarne skupštine Bosne i Hercegovine za 2018. godinu;
5. Plan rada Zajedničke komisije za evropske integracije Parlamentarne skupštine Bosne i Hercegovine za 2020. godinu;
6. Informacija o 15, 16. i 17. sastanku Konferencije parlamentarnih komisija za evropske integracije/poslove učesnica u Procesu stabilizacije i pridruživanja Jugoistočne Evrope (COSAP);

7. Informacija o Parlamentarnom odboru za stabilizaciju i pridruživanje između Parlamentarne skupštine BiH i Evropskog parlamenta.

Odjeljak E. Ostale aktivnosti Komisije

- a) Članovi Zajedničke komisije za evropske integracije razgovarali sa šefom Delegacije i specijalnim izaslanikom EU u BiH, 23. 6. 2020, Sarajevo;
- b) Učešće predsjedavajućeg Zajedničke komisije za evropske integracije Nikole Lovrinovića i prvog zamjenika predsjedavajućeg Lazara Prodanovića na okruglom stolu pod nazivom „Konkretan razgovor – 14 prioriteta EU: s riječi na djela“, 12. 10. 2020, Sarajevo;
- c) Učešće predsjedavajućeg Zajedničke komisije za evropske integracije Nikole Lovrinovića i drugog zamjenika predsjedavajućeg Halida Genjca na međuparlamentarnom sastanku AFET-a o 25. godišnjici potpisivanja Dejtonskog mirovnog sporazuma, 2. 12. 2020, Sarajevo.

Odjeljak F. Saradnja s drugim institucijama i organizacijama

U izvještajnom periodu Zajednička komisija je kontinuirano saradivala s ministarstvima i drugim tijelima Vijeća ministara BiH, naročito s Direkcijom za evropske integracije BiH. Održani su sastanci s predstavnicima DEI-a, kao stalnog partnera Zajedničke komisije za evropske integracije.

Zajednička komisija posebno intenzivno saraduje s predstavnicima međunarodnih organizacija u BiH, prije svega Delegacije Evropske unije u BiH, OHR-a, te OSCE-a.

POGLAVLJE III. REZIME

Na osnovu navedenih aktivnosti, može se konstatirati da je Zajednička komisija u izvještajnom periodu održala tri sjednice. Potrebno je naglasiti da je situacija uzrokovana pandemijom COVID 19 doprinijela smanjenju produktivnosti i aktivnosti Zajedničke komisije za evropske integracije (17. sastanak Konferencije parlamentarnih komisija za evropske integracije parlamenata zemalja obuhvaćenih Procesom stabilizacije i pridruživanja Jugoistočne Evrope –

COSAP, Parlamentarni forum za evropske integracije, Okrugli stolovi...). Dakle, ciljevi koje je Zajednička komisija postavila u Planu rada Zajedničke komisije za evropske integracije za 2020. godinu nažalost nisu postignuti, mnoge aktivnosti su prolongirane, te će biti realizirane u okviru Plana rada za 2021. godinu.

Predsjedavajući Zajedničke komisije
Nikola Lovrinović